



Broj: 09-20-11-2-1500-VI/24

Datum: 22.08. 2024.godine

Na osnovu člana 43. i 45. stav (2) i (3) Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama BiH ( Službeni glasnik BiH broj: 39/14, 59/22 i 50/24 ), i prijedloga Komisije za provođenje otvorenih postupaka nabavki za 2024. godinu, v.d. direktora Federalne uprave policije, d o n o s i:

## ODLUKU

o izboru najpovoljnijeg ponuđača u postupku Javne nabavke aparata za automatizovanu ekstrakciju DNK u forenzici za LOT - 6

1. Prihvata se prijedlog Komisije za provođenje otvorenih postupaka nabavki u postupku Javne nabavke aparata za automatizovanu ekstrakciju DNK u forenzici za LOT – 6, te se Ugovor dodjeljuje ponuđaču Profy d.o.o. Bijeljina, prema Ponudi broj: 1806/24 od 18.06.2024.godine, nakon provedene e-Aukcije po ukupnoj cijeni u iznosu od 62.000,00 KM bez PDV-a.
2. Po okončanju roka za žalbu Ugovorni organ će pozvati izabranog ponuđača radi zaključenja Ugovora.
3. Obavezuje se ponuđač iz tačke 1. ove Odluke da u roku od 5 dana od prijema ove Odluke dostavi dokumenta navedena u Tenderskoj dokumentaciji broj: 09-20-11-2-1500/24 od 30.04.2024.godine.
4. Ova Odluka objavit će se na web stranici Federalne uprave policije [www.fup.gov.ba](http://www.fup.gov.ba) u skladu sa članom 70. stav (6) Zakona o javnim nabavkama ("Službeni glasnik BiH", broj: 39/14, 59/22 i 50/24).
5. Za izvršenje Odluke zadužuje se Sektor za finansije i javne nabavke.

## OBRAZLOŽENJE

Federalna uprava policije je provela otvoreni postupak Javne nabavke laboratorijske opreme za LOT 6 – Javna nabavka aparata za automatizovanu ekstrakciju DNK u forenzici, po Obavještenju o javnoj nabavci broj: 1412-1-1-116-3-58/24 od 06.05.2024.godine, *objavljenom u "Službenom glasniku BiH" broj: 41/24, dana 14.06.2024.godine.*

Procijenjena vrijednost nabavke za LOT 6 - Javna nabavka aparata za automatizovanu ekstrakciju DNK u forenzici 140.170,94 KM bez PDV-a.

Komisija za provođenje otvorenih postupaka javnih nabavki je dana 20.06.2024.godine, izvršila radnju Otvaranje ponuda o čemu je sačinjen Zapisnik sa otvaranja ponuda u kojem su uneseni svi elementi predviđeni članom 63. stav 4. i 5., ZJN BiH.

U postupku pregleda i ocjene ponuda za LOT 6 – Javnu nabavku aparata za automatizovanu ekstrakciju DNK u forenzici, Komisija je utvrdila da su za navedenu nabavku pristigle dvije (2) ponude i to: Ponuda ponuđača Profy d.o.o. Bijeljina broj:1806/24 od 18.06.2024.godine sa ponuđenom cijenom od 95.000,00 KM bez PDV-a i Ponuda ponuđača Mikro+ Polo d.o.o. Sarajevo broj:111-02-01/2024-Lot 6 od 03.06.2024.godine sa ponuđenom cijenom od 140.170,94 KM bez PDV-a, kao i da su navedene ponude ponuđača formalno-pravno ispravne i ispunjavaju uslove tražene tenderskom dokumentacijom, te kao takve za ugovorni organ prihvatljive s tim da je Komisija u odnosu na navedenu ponudu ponuđača Profy d.o.o. Bijeljina utvrdila da je za više od 20% niža od cijene drugorangirane prihvatljive ponude.

Komisija je u skladu sa članom 66. stav 1. ZJN BiH i članom 17. stav 7. tačka b) Uputstva za pripremu modela tenderske dokumentacije i ponuda („Službeni glasnik BiH“, broj 90/14), od ponuđača Profy d.o.o. Bijeljina zatražila pismeno obrazloženje ponuđene cijene, koje je zaprimljeno i od strane Komisije prihvaćeno.

Obzirom da je za navedenu nabavku predviđeno provođenje e-Aukcije, Komisija se pismeno obratila Sektoru za finansije i javne nabavke radi provođenja iste, te je zaprimljen Izvještaj o toku i završetku e- Aukcije broj: 1412-1-1-116/24 od 22.08.2024.godine, iz kojeg proizilazi da je prema konačnoj rang listi ponuđača koji su učestvovali u e-Aukciji, ponuđač Profy d.o.o. Bijeljina za navedenu nabavku ponudio najnižu ukupnu cijenu u iznosu od 62.000,00 KM bez PDV-a.

Rukovodeći se kriterijem najniža ukupna cijena tehnički zadovoljavajuće ponude, Komisija je u skladu sa članom 70., Zakona o javnim nabavkama BiH za Javnu nabavku aparata za automatizovanu ekstrakciju DNK u forenzici za LOT-6, predložila da se donese Odluka o izboru najpovoljnijeg ponuđača i ugovor dodijeli ponuđaču Profy d.o.o. Bijeljina, prema Ponudi broj: 1806/24 od 18.06.2024.godine, nakon provedene e-Aukcije po ukupnoj cijeni u iznosu od 62.000,00 KM bez PDV-a, što je konstatovala u Zapisniku o pregledu i ocjeni ponuda od 19. 08. i 22.08.2024.godine.

Razmatrajući prijedlog Komisije, v.d direktora Federalne uprave policije donosi Odluku kao u dispozitivu.

#### **Pravna pouka:**

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 10 ( deset ) dana od dana prijema ove Odluke.

Dostaviti:

- Sektor za finansije i javne nabavke
- ponuđačima
- u spis

